


宋金元詩永

卷十八之二十

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
MAR 15 1933

T523756/2322





宋金元詩永卷之十八目錄

宋七言絕句

范成大 十六首

陸游 七首

楊萬里 一首

陳與義 二首

姜夔 一首

劉克莊 九首

韓駒 三首

翁卷 一首

陳剛中 一首

羅頤 一首

陳淵 一首

吳儆 一首

劉宰 一首

王庭珪 一首

哈佛大學漢和
圖書館珍藏印

米 黻 一首 郭 震 一首

徐 照 一首 陳 國 器 一首

徐 磯 一首 嚴 羽 一首

林 景 熙 三首 王 鑑 五首

真 德 秀 一首 魏 了 翁 一首

方 岳 一首 元 吉 一首

孟 鯁 一首 鮑 鯤 一首

晏 又 一首 趙 士 揆 一首

李 慰 一首 趙 師 之 一首

瀟 湘 漁 父 一首 鄭 協 二首

范 協 一首 吳 子 文 一首

謝 鑰 一首 龔 開 一首

張 圖 之 一首 劉 美 中 一首

武 衍 三首 趙 崇 錫 三首

方 逢 辰 一首 洪 适 一首

劉 宰 一首 李 九 齡 一首

謝 逸 二首 朱 逢 年 一首

鄭 震 一首 蕭 東 之 一首

陳序 二首

汪莘 二首

李行中 一首

蘇庠 一首

劉邦彥 一首

楊修 一首

謝枋得 一首

鄭思肖 六首

無名氏 二首

釋德洪 二首

僧惠洪 六首

僧道潛 一首

仲殊 一首

林外 一首

僧德祥 一首

魚潛 一首

沈清友 一首

陸放翁妾 一首

蓬萊縣君 一首

朱淑真 六首

徐宥女 一首

靖康宮人 一首

孟淑卿 二首

李清照 一首

禱桃 一首

王氏 一首

溫婉 一首

譚意歌 一首

賀方回姬 一首

毘陵女子 二首

女子 一首

宋金元詩永卷之十八目錄終

宋金元詩永卷之十八

延陵吳 綺園次選

蒲吾崔 華蓮生訂

濟陽 江 闔辰六 較

江 湘文江

宋七言絕句

范成大

晚春

夕陽槐影上簾鉤一枕清風夢昔游夢見錢塘春

盡處碧桃花謝水西流

題畫卷

欹傾棧路繞山明
隔隴人家犬吠聲
無限白雲堆去路
不知誰識許宣平

竟中道中

虎嘯狐鳴苦竹叢
魂驚終日走蒙茸
松林斷處前山缺
又見南湖數十峰

宜春苑

狐塚獾窠滿路隅
行人猶作御園呼
連昌尚有花

臨砌腸斷空春寸
艸無

春晚田園

三旬蠶忌閉門中
鄰曲都無步往蹤
猶是晚晴風露下
採桑時節暫相逢

夜歸

竹輿伊軋走長街
掠夢風清醉夢迴
曲巷無聲門戶閉
一燈還照酒爐開

碧瓦

碧瓦樓前繡幙遮
赤闌橋外綠谿斜
無風楊柳漫

天絮不雨棠梨滿地花

春日

雙鯉無書直萬金
畫橋新綠一篙青
萍白芷皆愁思
不獨江楓動客心

晚步西園

料峭清寒結晚陰
飛來院落怨春深
吹開紅紫還吹落
一種東風兩樣心

白蓮堂澄照寺

古木叅天護碧池
青錢弱葉戰漣漪
匆匆游子匆

匆去不見風清月冷時

華山道中

過午層陰未肯開
暖寒邨店竹芻灰
蕭蕭林響棠梨戰
晚恐陽山有雨來

登天平山頂

翠屏無路強扳緣
我與枯藤各半仙
不敢高聲天闕近
人間漠漠但寒煙

馬跡石

跨馬凌空亦快哉
龍腰鶴背漫徘徊
游人欲識仙

踪處但覓蒼厓白塔來

高景山徑

雲根新徑絡山腰
綠暗交陰宿露凝
行到竹溪啼鳥鬧
鶉鳩老恐画眉嬌

自天平嶺過高景菴

卓筆峰前樹作團
天平嶺上石成關
綠陰匝地無人過
落日秋蟬滿四山

高景山金氏菴

醉墨啼窗側
莫鴉蔓藤緣壁走
青蛇春淡有燕梢

飛蝶日莫無人掃落花

陸游

相對蒲團睡味長
主人與客兩相忘
須臾客去主人覺
一半西窗無夕陽

秋夜

庭院蕭條夜氣清
臥聽宮漏下宮聲
旅懷生怕還鄉夢
留取殘燈伴雨聲

谿月

宋七言絕

卷十八

宋七言絕

四

天風吹髮冷颼颼獨向沙邊上釣舟愁絕平羗江
上月向人依舊半輪秋

秋日雜詠

久雨初晴喜欲迷青鞵踏徧舍東西忽然來到柳
橋下露溼蓼花紅一谿

閒游

好事湖邊賣酒家杖頭錢盡慣曾賒壚邊爛醉眠
經日開過紅薇一架花

秋暑夜起追涼

漱罷寒泉弄月明浩然風露欲三更曲闌干畔脚
踟久靜聽空廊絡緯聲

春前六日作

夜枕夢回春雨聲曉窗日出春鳥鳴典衣沾酒莫
辭醉自有梅花爲解醒

楊萬里

三月晦日游越王臺

榕樹梢頭訪古臺下看碧海一瓊杯越王歌舞春
風處今日春風獨自來

陳與義

秋夜

中庭淡月照三更
白露洗空河漢清
莫遣西風吹
落葉只愁無處著
秋聲

和張規臣水墨梅一絕

粲粲江南萬玉妃
別來幾度見春歸
相逢京洛渾
依舊惟恨緇塵染素衣

姜夔

吳江道中

自譜新詞韻最嬌
小紅低唱我吹簫
曲江過盡松
陵路回首煙波十里橋

劉克莊

桃花

桃花雨過碎紅飛
半逐谿流半染泥
何處飛來雙
燕子一時銜在画梁西

秋風

黃葉蕭蕭忽滿街
獨騎瘦馬豫章臺
莫將宋玉心
中事吹向潘郎鬢畔來

題壁

兒時挾彈長安市不信人間果有愁
行遍江南江北路始知愁會白人頭

中書秋日懷青社舊游

掖垣秋色生雞樹忽憶青丘感舊情
曾倚西樓吟莫雨數峰寒碧遠高城

秋懷

輕雲不動日微陰高樹無風秋色淡
獨聽暮蟬臨水坐十年林壑阻歸心

南平驛

心隨流水還鄉國身向青山上屈盤
遠夢不成秋雨細西風一夜客亭寒

宮詞

先帝宮人總道妝遙瞻靈柏淚成行
舊恩恰似薔薇水滴在羅衣到死香

馬上口占

陌上鞦韆索漸收金鞭懶逐少年游
晚風細落梨花點飛上春衫總是愁

芙蓉

江上秋開一兩叢寧妨冷淡伴詩翁而今縱有看
花意不愛深紅愛淺紅

韓駒

題畫宮女

睡起昭陽暗淡妝不知緣底背斜陽若教轉盼一
回首三十六宮無粉光

真妃上馬圖

翠華欲幸長生殿立馬樓前待貴妃尚覓君王一

回顧金鞍欲上故遲遲

代葛亞卿作

君住江濱起畫樓妾居海角送潮頭潮中有妾相
思淚流到樓前更不流

翁卷

采藥徑

十載仙家采藥心春風纔過得幽尋如今縱有相
逢處不是桃花是綠陰

陳剛中

湖隄感舊

昔日珠樓擁翠鈿
女牆猶在草芊芊
東風第六橋邊柳
不見黃鸝見杜鵑

羅願

聞寺簿燕客以酒醉蟹送並有詩見及次

韻

冠蓋追隨寂寞濱
絕甘寬我未閑身
古來把酒持螯者
便作風流一世人

陳淵

錢塘江

潮頭駕月衝殘夢
水色浮空送峭寒
十幅輕蒲連夜發
不知身到海門山

吳儆

寓郡城客舍熱不可寐與程彥舉坐語達

旦

淡月微雲對倚樓
無聲河漢自西流
高城忽起梅花弄
散作晴空萬里秋

劉宰

秋懷

一抹紅綃日脚霞
千林暮靄納歸鴉
西風捲盡梧桐葉
乞與中庭散月華

王庭珪

江亭卽事

江水磨銅鑑面寒
釣魚人在蓼花灣
雲開貪看新月上
不覺小舟流下灘

米 徽

垂虹亭

斷雲一葉洞庭帆
玉破鱸魚霜破柑
好作新詩繼

桑苧垂虹秋色滿
東南

郭 震

雲

聚散虛空去復還
野人閑處倚筇看
不知身是無根物
蔽月遮星作萬端

徐 照

題張提舉西野

渡頭風景如前日
誰種桃花在水邊
未晚人家門

戶閉鷺鷥閒立釣魚船

陳國器

石湖歸途

人與西風結釣來芙蓉花氣撲吟杯
曲塘好處都行遍帶得一身秋色回

徐磯

過九嶺

斷畦橫路水潺潺行到山根又上山
青眼別峰雲霧起不知身也在雲間

嚴羽

送友人

黯黯離筵夕照收江城羌笛起邊愁
念君此去三千里何處關山是楚州

聞笛

江上誰家吹笛聲月明霜白不堪聽
孤舟萬里瀟湘客一夜歸心滿洞庭

林景熙

別方槐庭山人

夜闌淡語別寒缸別意蕭蕭竹半窗明日孤帆
影外東風殘雪滿曹江

葛仙翁石床

鈞天夢破珊瑚枕巖壑春供翡翠屏一卷黃庭雲
半席宵淡讀與嶺猿聽

宋武帝居今爲壽丘寺

青衣夢破滿林煙一擲乾坤亦偶然僧屋翠微看
月上江山猶似永初年

王 鎡

春酌

酒闌歌罷翠簾遮月柳驚啼子夜鴉多少斷雲心
上事結成香夢是梨花

裁衣曲

燒罷心香午夜闌玉纖輕捻剪刀寒衣成恐不如
郎意獨試燈前照影看

春閨辭

桃吹紅雪上簾鈎楊柳風絲拂畫樓日透闌干人
病酒賣花聲過懶梳頭

喜涼

吹笛何人在小樓夜淡不下玉簾鈎涼風敲落梧
桐葉片片飛來盡是秋

怯暖

怯暖新裁白苧衣棋聲淡院客來稀春風無力晴
絲軟絆住楊花不肯飛

真德秀

三月晦日

九十風光能有幾東風遽作遠行人樽前莫惜今

朝醉明日鶯聲不是春

魏了翁

無題

遠鐘入枕報新晴衾鐵衣稜夢不成起傷梅花讀
周易一窗明月四簷聲

方岳

禱晴福善

夜落簷花未肯晴燈寒等不到天明自憐短髮垂
垂老一滴秋霖白一莖

元吉

夜坐

森森夜氣落寒檐
閑把離騷酒正酣
忽憶梅花不成語
夢中風雪在江南

孟鯁

折花怨

匆匆杯酒又天涯
晴日牆東叫賣花
可惜同生不同死
却隨春色去誰家

鮑鯁

重到錢塘

惟有寒潮不世情
朝朝莫莫過空城
百年車馬閭門外
獨獨春風艸不生

晏又

訪吳子文

平生一語不肖吐
浩然披髮行西林
美人十日跨驢出
黃葉堆門雲雪深

趙士掞

登天清閣

宋鑑元詩秀 卷十一
夕陽低盡已西紅百尺樓高萬里風白髮年年何處得只應多在倚闌中

李 慰

春晚

花瘦煙羸可奈何不關渠事鳥聲和無人掃地驚
春晚分付輕紅上碧莎

趙 鯈之

春日

拂床倚枕晝初長好夢驚回燕語忙溪竹有花人

不見直應風轉得幽香

瀟湘漁父

古碑文

乾淳老人氣岳岳破冠穿履行帶索撐腸拄肚書
萬卷臨風欲言牙齒落

鄭 協

谿橋晚興

寂寞亭基野渡邊春流平岼草芊芊一川晚照人
閑立滿袖楊花聽杜鵑

錢塘晚渡

錢塘江上夜潮過
秋靜寒煙白露多
吳越青山明月在
舟人莫唱異鄉歌

范協

年年

年年如燕亦還家
又訪幽居過水涯
風雨滿城秋欲暮
山中猶有碧桃花

吳子文

訪隱者不遇

道人入山訪道人
山深俗朴雞犬馴
道人不見道人去
盪穆艸木無邊春

謝鏞

玩月有感

入夜茶甌苦上眉
眼花推落石床碁
舉頭却恨天邊月
顛倒山河作樹枝

龔開

瘦馬圖

一從雲霧降天關
空盡先朝十二閑
今日有誰憐

駿骨夕陽沙岍影如山

張圖之

瑞香花

曾向廬山睡裏聞香風占斷世間春采花莫撲枝
頭蝶驚覺陽臺夢裏人

劉美中

夜度娘

菱花炯炯青鸞結爛學宮妝勻膩雪風吹涼鬢影
蕭蕭一抹疎雲對斜月

式微

宮思

當時十五正嬌妍選入宮中二十年誰料祇今三
十五舞靴未踏玉階前

畫扇

雙成午夜約飛瓊齊駕紅鸞看月明縹緲碧雲歸
去曉洞天霜冷玉簫清

柳枝詞

靈和殿裏最風流二月飛花雪滿樓換得玉人眉

宋金元詩卷之十一
樣巧一春渾不下簾鉤

趙崇鈿

楚園

楚園對客無杯勺共坐茅欄理釣車
片月漸低風露冷隔墻山鬼嘯梨花

仙思

水殿風清急景斜靈君初下五雲車
碧羅寶扇雙題字記是誰人咏落花

和壁間韻

半鬢嬋娟垂兩鴉驚潮微隱寶簪斜
客愁正自游絲亂莫戴釵頭百結花

方逢辰

題吳氏梅堂

聞君家在雪邊住倚盡闌干索盡詩
只怕梅花應冷笑清香元不要人知

洪适

憶東閣手植花木用雍陶過舊宅看花詩

韻

分根徒核望春栽曲徑幽蹊手自開今日成林渾
着子花時不折一枝來

劉宰

今大前阻雨不與人收

薔薇籬落送春闌筍榭園林早夏間牛背牧兒酣
午夢不知風雨過前山

李九齡

登樓寄遠

滿城春色花如雪極目煙光月似鈎總是動人鄉

思處更堪容易上高樓

旅舍臥病

家隔西秦無遠信身隨東洛渡流年病來旅館誰
相問牢落閑庭一樹蟬

謝逸

春閨

曲欄杆外柳垂垂羅幙輕風燕子飛獨倚危欄思
往事落紅撩亂點春衣

荳蔻梢頭春事休風吹萬點只供愁杜鵑啼破三

更月夢遶雲間百尺樓

朱逢年

舟次龍湖阻水因由董山

山雨疎疎心又驚起瞻天色斗微明他年一枕江
關夢知憶蓬窗此夜聲

鄭震

荆南別賈待制東歸

來時秋雨滿江樓歸日東風度客舟回首荆南天
一角月明吹笛下揚州

蕭東之

古梅

湘妃危立凍蛟背海月冷挂珊瑚枝醜怪驚人能
嫵媚斷魂只有曉寒知
百千年蘚着枯樹一兩點春供老枝絕壁笛聲那
得到只愁斜日凍蜂知

陳序

題鍾山八功德水菴壁

寒騎瘦馬度山腰目斷青溪第一橋盡是帝王陵

與墓野風花草暝蕭蕭
十年塵土暗衣巾亂走江鄉一病身西第將軍成
底事北朝開府是何人

汪莘

去昌化縣西四十里留宿陳東魯南樓

碧玉山中白玉溪武陵邨落午時雞南樓一覺春
宵雨夾路桃花送馬蹄

次潘別駕韻

野店溪橋柳色新千愁萬恨爲何人殷勤織就黃

金纓帶雨籠煙過一春

李行中

佳人嗅梅圖

蠶眉鴉髻縷金衣折得梅花第一枝嗅盡餘香不
回面思量何事立多時

蘇庠

臞閣浮天閣

玉蟾飛入水晶宮萬頃琉璃碎晚風詩就雲歸不
知處斷山零落有無中

宋金元詩卷之十八
劉邦彥

湖上花開報劉廷美

白鷗遙待酒船來
芳艸汀洲去復回
爲惜杏花寒
勒住西冷昨夜一花開

楊修

齊雲觀

上界笙歌下界聞
縷金羅袖鬱金裙
倚闌紅粉如花面
不見巫山空暮雲

謝枋得

送程楚翁遠游

近日人傳庾嶺梅
南枝落盡北枝開
長安舊日元
無此盡是江南人送來

鄭思肖

訪隱者

石竇雲封隱者家
一谿流水遶門斜
滿山落葉無
行路樹上寒猿剝蘚花

春日登城

城頭啼鳥隔花鳴
城外游人傷水行
遙認孤帆何

宋金元詩元 卷十一
處去柳塘煙重不分明

春詞

春氣暄妍御夾紗玉釵雙裊綠雲斜倚闌看徧庭
前樹盡是枝頭結子花

懷友

今日尊前忽憶君爲憐秋事又平分坐來凝睇西
風久過盡天邊數片雲

春日游承天寺

野梅香軟雨新晴來此閑聽笑語聲不管少年人

老去春風歲歲闔開城

閨怨

畫眉夫婿客游梁夜理瑤琴山水長莫上翠樓凭
几望陌頭無數碧垂楊

無名氏

河亭

穀雨初晴綠漲溝落花流水共沉浮東風莫掃榆
錢去爲買殘春更少留

采蓮曲

南北湖亭競采蓮吳娃嬌小得人憐臨行折得新
荷葉却障斜陽入畫船

釋德洪

游西湖北山

幽草青青繞竹扉雨餘人在杏園西無端黃鳥驚
春夢正向綠蘿深處啼

次韻西樓

萬古湘江繞故城水光斜照動檐楹行人仰看春
風軟吹落憑闌笑語聲

僧惠洪

廬山雜興

幽花疎竹冷捎雲江北江南正小春但得青山常
在眼不妨白髮暗隨人
別開山徑入松關半在雲間半雨間紅葉滿庭人
倚檻一池寒水動秋山

南軒

南軒日靜小簾開百舌無端喚夢回莫謂楊花不
相識隨風還解過牆來

春詞

曉霽晴湖已拍橋
橋邊春色解相撩
分疎積雨饒
鷺舌拘束東風倩柳條

燧梅

燧香和雪隔簾櫳
只待江頭一笛風
今夜回廊無限意
小庭疎影月朦朦

海棠

爲愛香苞照地紅
倚欄終日對芳叢
夜淡忽憶高
枝好把酒更來明月中

僧道潛

臨平

風蒲獵獵弄輕柔
欲立蜻蜓不自由
五月臨平山下路
藕花無數滿汀洲

仲殊

潤州

北固樓前一笛風
斷雲飛出建昌宮
江南二月多
芳艸春在濛濛細雨中

林外

酒樓

藥爐丹竈舊生涯
白雲淡處是吾家
江城戀酒不歸去
老却碧桃無限花

僧德祥

風雨

風雨開門三十日
年光虛度一分春
淒涼舊國鶯花夢
白髮江南有幾人

魚潛

聞歌

流雲行水出名姝
酒盡花前雙玉壺
此曲江南都忘卻
春風轉調小單于

沈清友

姑蘇女子

絕句

晚天移棹泊垂虹
閑倚蓬窗問釣翁
爲底鱸魚低價賣
年來朝市怕秋風

陸放翁妾

偶吟

玉階蟋蟀鬧清夜
金井梧桐辭故枝
一枕淒涼眠

不得呼燈起作感秋詩

蓬萊縣君

寄父舒王

西風不入小窗紗
秋氣應憐我憶家
極日江山千里恨
依然和淚看黃花

朱淑真

獨坐感春

翠密藏鴉綠柳堤
傷春懶去步桃蹊
夢回窗下日當午
鶻鴂一聲林外啼

暮春有感

倦對飄零滿徑花
靜聞春水鬧鳴蛙
故人何處草空碧
撩亂寸心天一涯

新秋

一夜涼風動扇愁
背時容易入新秋
桃花臉上汪汪淚
忍到更深枕上流

三月三日

林花落盡草初齊
客裏蕭條思欲迷
又見春光去時節
滿城飛絮亂鶯啼

中秋聞笛

誰家橫笛弄輕清
喚起離人枕上情
自是斷腸聽不得
非干吹出斷腸聲

晴和

海棠深院雨初收
苔徑無風蝶自由
寂寂珠簾歸燕未
子規啼破一春愁

徐宥女

偶題

絮如柳陌三春雨
花落梨園一笛風
百尺玉樓簾

半捲夜深人在水晶宮

靖康宮人

題驛壁

渭平沙淺鴈來時
渭漲沙移鴈不歸
江海一身多事
清風明月淚沾衣

孟淑卿

題蓮美人圖

綠槐蟬靜日偏長
懶爇金爐百和香
莫摘池中蓮子看
箇中多半是空房

春歸

落盡棠梨水拍堤
淒淒芳草望中迷
無情最是枝頭鳥
不管人愁只管啼

李清照

題八咏樓

千古風流八咏樓
江山留與後人愁
水通南國三千里
氣壓江城十四洲

禱桃

東綾詩

一曲清歌一束綾
美人猶自意嫌輕
不知織女寒窗下
幾度拋梭織得成

王氏

咏懷

白藕作花風已秋
不堪殘睡更回頭
晚雲帶雨歸飛急
去作西窗一枕愁

温婉

寄遠

小花靜院東風起
燕燕鶯鶯拂桃李
斜倚紅牆卜

遠人樓外春山幾千里

譚意歌

寄外

瀟湘江上探春回
消盡寒冰落盡梅
願得兒夫似
春色一年一度一歸來

賀方回姬

答外

獨倚危樓淚滿襟
小園春色懶追尋
淡思總似丁香結
難展芭蕉一寸心

毘陵女子

題破錢

半輪殘月掩塵埃
依稀猶有開元字
想得清光未
破時買盡人間不平事

彈琴

昔年甘笑卓文君
豈信絲桐解誤身
今日未彈心
已亂此心原是不繇人

女子

潭畔芙蓉

芙蓉花發滿江紅盡道芙蓉勝妾容昨日妾從堤上過如何人不看芙蓉

宋金元詩永卷之十八終

宋金元詩永卷之十九目錄

金七言絕句

蔡珪 四首

高士談 一首

馬定國 一首

祝簡 一首

劉著 二首

劉瞻 一首

郝俱 一首

邊元鼎 二首

李仲畧 一首

劉迎 一首

許安仁 一首

党懷英 三首

王庭筠 三首

趙秉文 三首

周昂 一首

劉昂 一首

鄺權 一首

楊雲翼 一首

密壽 三首

馮壁 一首

朱瀾 一首

呂中孚 二首

張著 一首

段繼昌 三首

劉勳 一首

王萬鍾 一首

雷瑄 一首

侯冊 一首

王元粹 一首

高有鄰 一首

趙文昌 一首

李過庭 一首

張庭玉 一首

邢安國 一首

孟宗獻 一首

陳賡 一首

房皦 五首

段成巳 一首

曹謙之 四首

徒單公履 一首

元氏 一首

宋金元詩永卷之十九目錄終

宋金元詩永卷之十九

天及一首

曹植一首

曹植一首

曹植一首

曹植一首

蘇軾一首

蘇軾一首

蘇軾一首

蘇軾一首

宋金元詩永卷之十九

延陵吳 綺園次選

江都宗 觀雀問訂

濟陽江 閩辰六較

江湘文江

金七言絕句

蔡珪

閭山

西風絕境撫孤松千里川原四望通但怪林梢看

鳥背不知身到碧雲中

暮春

陌上歌聲枕上聽
秋千梧影兩亭亭
春風二月正
花好曉日一竿初
酒醒

華亭圖

頭無片瓦足無土
不犯清波過一生
釣得金鱗便
歸去依然明月大江橫

畫眉曲

未識春愁識曉醒
嬌啼恰恰似雛鶯
日高阿母喚

妝晚促畫鴉兒轉不成

高士談

雪

款款天花落未休
寒梅疎竹共風流
江山一色三
千里酒力消時正倚樓

楊花

來時官柳萬絲黃
去日飛毬滿路徬
我比楊花更
飄蕩楊花只是一春忙

馬定國

邨居

蠶蛹成蛾桑柘稀
海棠花發照窗扉
離騷讀罷無人會
獨立溪南看夕暉

祝簡

相國寺鐘

寒雞縮頸未鳴晨
已聽春容入夢頻
未必佛徒知警悟
祇能喚起利名人

劉著

閨情

蕙帳金爐冷篆煙
故山春草幾芊芊
只今唯有蕭湘月
萬里相隨照不眠

題御城市壁

一徑埋雲草樹荒
石麟蒼蘚臥田桑
漢家陵闕今何在
洛水嵩山滿夕陽

劉瞻

所見

傾欹石片插漣漪
上有蕭蕭楊柳枝
藻荇半浮苔半溼
浣紗人去不多時

郝俛

魏處士野故瘞

郊原冷暖霜風後
桑柘蕭條兵火餘
試問當時卿
與相幾家猶有舊田廬

邊元鼎

花開人散

閒花閒草滿芳洲
春水無人自在流
白日遲遲倦
游子一聲啼鳥一聲愁

閱見

鳳紙銜封玉鏡臺
繡鸞傳記已相猜
傾城笑臉千金樣
莫對閒人一例開

李仲略

嗅梅圖

朧朧霽色冷黃昏
缺月疎籬水外邨
人在天涯花在手
一枝春雪寄銷魂

劉迎

歸來圖戲作

雲鬢春風一尺高
笑攜兒女候歸橈
情知一首閒

情賦合爲微官懶折腰

許安仁

游泰安竹林

蕭寺天教勝處安峰巒騰擲水雲閒客來總說游
山好不道山僧却厭山

党懷英

立春

水結東溪凍未漪風凌枯木怒猶威不知春力來
多少便有青蠅負暖飛

日照道中

路轉清谿樹蔚然解鞍坐榻午陰圓避人鷗鳥驚
飛盡時有游魚弄柳綿

題馬賁畫鴻鴻圖

雙眠雙浴水平谿共看秋光隰兩堤誰信瀟湘有
孤鴈冷沙寒葦不成栖

王庭筠

野堂

綠李黃梅繞屋疎秋眠不著鳥相呼雨聲偏向竹

宋金元詩卷一
間好山色漸從煙際無

韓陵道中

石頭犖礪兩坡間不記秋來幾往還日暮蹇驢鞭
不動天教仔細數前山

采蓮曲

南北湖亭競采蓮吳娃嬌小得人憐臨行折得新
荷葉却障斜陽入畫船

趙秉文

春游

無數飛花送小舟蜻蛉款立釣絲頭一谿春水關
何事皺作風前萬疊愁

華山

石頭犖礪水縱橫過雨山間草履輕未到上方先
滿意倚天青壁看雲生

卽事

樓頭不見莫山重遙認青林雨意濃一陣風來忽
吹散斷雲還補兩三峰

周昂

代書寄大元伯

南園臘蟻記同傾一紙書來萬里情
日夜愁心隨柳色東風吹滿大梁城

劉昂

王官谷

潛谿時照塵埃客微雨不遮天
柱峰斜日落花人去盡淡煙樓閣數聲鐘

鄴權

無題

玉關消息到長安處處砧聲搗夜闌
想得月殘哀響斷一燈清淚剪刀寒

楊雲翼

蔡邕道中

水連淡竹竹連沙邨落蕭蕭已莫鴉
行盡畫圖三十里青山影裏見人家

密璫

書龍德宮八景序

刺桐朱楹墮紺紗裙腰草色趁堦斜
誰知剝落亭

宋金元詩集 卷十九
中石曾聽宣和玉樹花

池蓮

輕輕資質淡娟娟
點綴圓池亦可憐
數點飛來荷葉雨
莫香分得小江天

溪景

飛飛鷗鳥自徜徉
也解新秋受用涼
日暮碧溪微雨過
滿風都是藕花香

馮璧

草堂春莫橫披

遣客倚樓家萬里
五陵飛鞚酒千金
草堂澹與春山對
幽鳥一聲春已深

朱瀾

宮詞

太一芙蓉上下天
秋波澹澹白生煙
采蓮宮女分花了
笑把蘭篙學刺船

呂中孚

小景

青蕪平野四圍山
山郭依依紫翠間
山遠路長人

宋金元詩集 卷十九
去少一竿斜日酒旗閒

集句

騷人吟罷起鄉愁百感中來不自由一種人間太
平日滿衣塵土避公侯

張著

雨後

西風無意嫪纖雲掃盡千峰雨腳痕一片秋光清
似水家家空翠滿柴門

段繼昌

梨花

一林輕素媚春光透骨濃薰百和香消得太真吹
玉笛小庭人散月如霜

春早二首

魚兒水汎鴨頭綠野馬塵飛羊角風西崦山家籬
落背杏梢初見一分紅

又

斷冰銷盡荻芽尖凍隴蘇來白薺添幾片野雲飛
不去晚風吹作雨纖纖

劉勳

偶作

將軍馬躍五撾鼓
客子車行三唱雞
白髮書生無伎倆
滿窗紅日醉如泥

王萬鍾

春宵

風尖月細春猶淺
酒冷燈昏夜向深
人在西軒愁不寐
十年閒事總經心

雷瑄

南國

南國春生江水肥
烏檣風扇錦帆歸
吳兒日暮棹歌發
驚起鴛鴦相背飛

侯冊

楚宮

離宮樓閣與天通
莫雨朝雲入夢中
回首舊時歌舞地
女蘿山鬼泣秋風

王元粹

東樓雨中

宋金元詩卷十九
卷十九
溝水清冷樹影圓
下樓閒步上樓眠
夜來夢裏驚風雨
元是松聲到枕邊

高有鄰

馬嵬

事去君王不奈何
荒墳三尺馬嵬坡
歸來枉爲香囊泣
不道生靈淚更多

趙文昌

歌扇

媚娘巧作貫珠喉
畫扇團團半掩羞
唱到春山小

顰處一輪明月爲花愁

李過庭

讀公孫弘傳

古來好客數平津
道我真龍未必真
一箇仲舒容不得
不知開閣爲何人

張庭玉

卽事

烏鳶繞樹山梨熟
蝴蝶穿花木槿開
赤驪城中借書去
蒼頭原上負薪來

邢安國

過唐州西李口

白沙翠竹谿上邨
漁家賣魚喚行人
西風吹皺一谿水
水光日影金鱗鱗

孟宗獻

柳塘

搖搖風影漾寒塘
靜裏亭臺日月長
不似隋家隄畔上
亂鴉殘照管興亡

陳賡

送寇輔臣

古陌風塵點客衣
送春君亦伴春歸
東風不管離人恨
次落楊花滿地飛

房皞

秋夜

百計求安未得安
此心須在鬢凋殘
漫漫長夜渾無睡
蟋蟀堂深秋雨寒

自遣

幾見秋風幾見春
一愁未已一愁新
閒中點檢平

生事唯有清貧不負人

又

瓮面浮香處處春
任他時事百端新
自知野鹿山麋相
不是麒麟閣上人

別西湖

聞說西湖可樂飢
十年勞我夢中思
湖邊欲買三間屋
問徧人家不要詩

春日觀菜

手種蕪菁欲療飢
春來頗怪發生遲
東風貪長新

桃李未有功夫到菜畦

段成已

虞坂曉行

林外晨雞第一聲
隴頭殘月伴人行
未知局促鹽車下
老驥蕭蕭又幾鳴

曹謙之

秋夜

寂寂江城夜向闌
西風吹鴈叫雲端
一聲遠過南樓去
月滿碧天秋水寒

宋金元詩元
卷十九
臨潼溫泉

琢玉爲池浴太真
芙蓉花暖水生春
誰知寂寞千秋後
留與行人洗路塵

長安早發

行李怱怱漚水頭
雨餘涼氣動新秋
五更馬上還家夢
先逐西風到晉州

秋夜聞笛

雲靜寒空月滿樓
何人橫玉叶清秋
梁州才罷伊州起
不盡關山此夜愁

宋金元詩元
卷十九
徒單公履之二十目錄

春日雜詠

東風簾幕半塵埃
歌舞臺空晝不開
試問雙飛新燕子
今年社日爲誰來

元氏

補天花版詩

補天手段暫施張
不許纖塵落畫堂
寄語新來雙燕子
移巢別處覓雕梁

宋金元詩永卷十九終

宋金元詩元卷之二十目錄

蘇子瞻集風雲真氣集

蘇天中詩集風雲不特癖

蘇天中詩集

蘇天中詩集

蘇天中詩集

蘇天中詩集

蘇天中詩集

州起詩單公賦此夜愁

宋金元詩元卷之二十目錄

元七言絕

劉因 五首

袁桷 一首

薩都刺 十四首

劉炳 五首

成庭珪 八首

趙孟頫 一首

顧晉 二首

宋思無 十六首

虞集 五首

馬祖常 二首

郭奎 二首

陳孚 一首

楊維禎 七首

馬民立 一首

二

楊 奐 三首

倪 瓚 五首

劉永之 四首

顧德輝 二首

康 端 一首

張世昌 一首

宇文子貞 一首

馮 翼 一首

甘 立 二首

劉 祁 一首

李 治 一首

劉辰翁 二首

劉秉忠 一首

王思廉 一首

張 礎 二首

高克恭 三首

何 中 二首

陳 旅 一首

丁 復 一首

黃鎮成 二首

楚 石 一首

王 冕 一首

陳益稷 二首

李 治 一首

秦不花 二首

程 寧 一首

黃 庚 十五首

張 昱 一首

廼 賢 四首

顧 佐 一首

周 南 一首

沈 性 一首

强 珣 一首

王 行 二首

王立中 四首

盧 摯 三首

周 馳 二首

丁鶴年 一首

范 梈 一首

王士熙 一首

毛直方 三首

王懋德 二首

黃子肅 二首

吳師道 一首

陳思濟 一首

杜仁傑 一首

何 失 二首

杜 本 一首

李孝光 二首

宋季任 一首

彭 炳 三首

陳 柏 一首

真桂芳 一首

吳 復 一首

張光弼 一首

吳養浩 一首

鄭元祐 一首

鄭允端 三首

孫蕙蘭 一首

曹妙清 一首

蘭 英 五首

梅花尼 一首

柯九思 四首

郟 詔 二首

陶宗儀 一首

張天英 一首

于 立 三首

鄭 東 一首

李元珪 二首

熊夢祥 一首

潘 純 一首

徐 穎 一首

盧昭

一首

張雨

六首

李元莊

張

王

張

謝

張

蘇

張

韓

張

柳

張

歐

張

宋金元詩永卷之二十目錄終

宋金元詩永卷之二十

延陵吳 綺園次選

江都汪懋麟 蛟門訂

濟陽 江 閻辰大 較

江 湘文江

元七言絕

劉 因

山行

西崦人家竹映谿 山深雨暗到來遲 行窮谷口水

才見流盡巖花春不知

廢園

路傍雙石立崔嵬曾見游人幾往來想得當年全
盛日好山橫處盡樓臺

書事

臥榻而今又屬誰江南回首見旌旗路人遙指降
王道好似周家七歲兒

又

朱張遺學有經綸不是清談誤世人白首歸來會

同館儒冠爭看宋師臣

山家

馬蹄踏水亂明霞醉袖迎風受落花怪見谿童出
門望鵲聲先我到山家

宋無

漢宮

武帝昇遐玉殿空金人夜泣月明中三千嬪御無
行幸猶費丹砂飼守宮

金陵懷古

宮甃賣盡雨崩牆
首菊秋紅滿夕陽
玉樹後庭花
不見北人租地種
茴香

長信秋

長信秋來月自圓
夜香猶拜玉階前
妾今不願君王寵
惟願君王壽萬年

山中僧

雪頂霜眉齒半稀
跣趺苔石看雲歸
山童掃葉鶴
飛起狼籍松花滿
衲衣

玉環病齒圖

一點春寒入剝犀
海棠花下獨嚙眉
內廚幾日無
宜喚不問君王索
荔枝

游茅華陽諸洞

書滿琅函閉不開
雲窗霧閣銷青苔
門前白鹿將
麈過定是避秦人
引來

客夜思親

老妻病女去淮西
慈母居吳鶴髮衰
我獨天涯聽
夜雨寒燈三處照
相思

春歸

釀蜜筒香蜂報衙
杏花泥歇燕成家
浮萍斷送春歸去
盡向風流載落花

髮白解嘲

吳霜兩鬢早先秋
聞道愁多會白頭
谿上鷺絲渾似雪
想應無那一身愁

西湖所見

綠闌干護水鱗鱗
蘇小門前柳弄春
聽得語聲嬌不見
隔簾佯喚賣花人

長卿

一病文園渴思深
祇應惆悵爲鳴琴
老來減盡凌雲氣
却賦長門易酒金

春風

東風吹綠上汀洲
染出江南一片愁
長到春來問芳艸
不知何地可忘憂

老將

殺氣消磨暗鐵衣
夜看太白劒無輝
舊時麾下誰相問
半去封侯半不歸

老馬

瘦蹄生入玉門關
病放沙場戰骨閒
歸斃殘芻應有淚
將軍頭白戍天山

春愁

金雁塵香暗鳳絃
紅繩風緊閣秋千
園林寂寞無鶯燕
一段春愁是杜鵑

盼盼

妾未成灰鬢已霜
啼紅十載唾茸窗
香魂若作樓中燕
一世孤飛不冝雙

袁恂

宮女度曲圖

望瀛法曲紫霞觴
更按伊州奉玉皇
翠竹涼深宮院密
新聲那得過宮牆

虞集

臘日偶題

舊時燕子尾毵毵
重覓新巢冷未堪
爲報道人歸去也
杏花春雨在江南

青山白雲圖

獨向山中訪隱君
行窮千澗水沄沄
仙家更在空

青外只許人間禮白雲

聽雨

何處它年寄此生山中江上總關情無端繞屋長
松樹盡把風聲作雨聲

朝回

雨裏輕塵道未乾朝回隨處借花看京城幾樹垂
楊柳飛絮時來近馬鞍

雲錦谿棹歌

雲錦谿頭春水生桃花爲屋柳爲城却騎赤鯉渡

谿去手把芙蓉朝玉京

薩都刺

雪中渡江過山飲暘簡上人房

山酒吹香出小槽燈前痛飲污青袍夜淡夢醒知
何處老鶴一聲山月高

京口城南次集

萼薺花開春欲盡山櫻子落雨初晴酒醒騎馬踏
花去門外綠陰無數生

題冶城道士稽秋山卷

不見冶城嵇道士雲淡無處訪仙蹤
夜聞老鶴行枯葉知在秋山第幾重

秋詞

清夜宮車出建章紫衣小隊兩三行
石闌干畔銀燈過照見芙蓉葉上霜

過鎮陽城南觀音院

柳色暗藏谿上寺露華偏溼水邊僧
門前掩映荷花滿出水游魚夜戲燈

京城立春

燕姬白馬青絲韁短衣窄袖銀甕光
御溝飲馬不回首貪看柳花飛過墻

醉起

楊柳樓心月滿牀錦屏繡褥夜生香
不知門外春多少自起移燈照海棠

題界首驛

平湖過雨天開鏡落日放舟人打魚
野老柳陰沽秫酒行人馬上寄家書

邵伯舟中

驚魚時出浪花雪短鬢涼吹水面風遠客行船秋色裏誰家吹笛月明中

同御史王伯循時除廣東僉事濟揚子江
余除燕南照磨

落葉正飛揚子渡行人又上廣陵船過江載得秋多少老鴈一聲霜滿天

春日鎮陽柳溪道院

城外青溪出洞門道人歸去日長曛柳花滿地無人掃隔水遙看是白雲

登姑蘇臺

開門楊柳自春風水殿幽花泣露紅飛絮年年滿城郭行人不見館娃宮

經歷司暮春卽事

霞飛海燕拂簾過風捲魚鱗剪綠波閒倚石闌數春事滿池紅雨落花多

凝神菴蒲衣道士張達道所居高宗嘗賜

白羽扇至元猶存

晴日赤山湖水明湖中山影一眉青蒲衣道士無

人識羽扇年多落鳳翎

馬祖常

麗山

玉女泉邊翠藻多石池涵影媚官娥可憐繡嶺啼
春鳥猶似梨園弟子歌

閩浙之交

月出山頭犬吠雲隔林鐘磬鶴應聞老僧見客閒
留坐風落松花滿寺門

劉炳

惜別詞 孝思同賦

玳瑁筵前海榴樹歌舞翻成離別處花間藏却
珊瑚鞭手挽郎衫怕郎去

又

纖腰娥媚眼如醉惜別含羞枕郎臂鴛央枕上哭
垂垂一聲一點真珠淚

題葉楚庭醉酒卷

落盡茶蘼草覆裯二分流水一分塵小車都載鵝
黃酒蘇小墳前醉過春

出龍灣之東阿

行李蕭條出鳳城鄉間漸遠不勝情客舟今夜寒
橋泊腸斷江聲作雨聲

離懷

垂垂江雨作春波江上行人晚唱歌莫遣青燈照
衣袂酒痕不似淚痕多

郭奎

德興山中

石橋斜日萬山陰雲滿寒溪雪滿林獨有梅花看

不厭江南春色故園心

開歲臥病

多病文園渴未消自從人日遇花朝不知楊柳將
春色綠到淮南第幾橋

成庭珪

徽廟御畫梔子白頭翁

梔子紅時人正愁故宮衰艸不勝秋西風吹落青
城月啼得山禽也白頭

綠楊橋

長谿春漲碧溶溶
煙雨空濛溼采虹
何事吹簫度
清夜斷隄楊柳月明中

題宋子章竹

黃陵只在斷雲西
苦竹叢深望欲迷
帝子不歸春
又晚滿林煙雨鷓鴣啼

客中久雨

水滿行厨欲產蛙
苔封老屋亂啼鴉
南風十月黃
梅雨開盡冬青兩樹花

青山白雲圖

不見茅齋舊隱君
繞谿烟樹暮紛紛
斷橋水滿無
人渡誰向青山管白雲

題張天民先生移居圖

舊隱荆溪第幾邨
手栽松檜至今存
大茅峰下千
年鶴遲汝重來問子孫

訪王伯純晚歸

長洲苑內舊池臺
白髮山人又再來
無限客愁渾
忘却小樓聽雨杏花開

和饒介之秋懷

鐵鎖滄江第幾關揚州花竹夢中看也知無賴三分月照見沙場白骨寒

陳西孚

古宿遷

月落狐鳴埜艸黃鴈飛無數水茫茫數星鬼火寒沙上知是何年舊戰場

趙孟頫

湖上暮歸

春陰柳絮不能飛雨足蒲葦絲更肥政恐前舸驚

白鷺獨騎款段遶湖歸

楊維禎

飛絮

春風門巷欲無花絮起晴風落又斜飛入畫簾空惹恨不知楊柳在誰家

宮詞

金屋秋深露氣涼宮監久不到西廂丁寧莫竊寧哥笛鸚鵡無情說短長

西湖竹枝詞

家住西湖新婦磯
勸郎休唱縷金衣
琵琶本是韓憑木
彈作鴛鴦一處飛

石新婦下水連空飛
來峰前山萬重
妾死甘爲石
新婦蕭郎或似飛來峰

理繡

揀得金鍼出象筒
鴛鴦雙刺扇羅中
却眞昨夜狸奴惡
抓亂金床五色絨

什睡

漏減良宵晝日遲
困人天氣酒中時
東家女伴太嬌劣
偷解裙腰竟不知

燕子辭

燕子來時春雨香
燕子去時秋雨涼
鴛鴦一生不作客
夜夜不離雙井墻

頌晉

竹枝詞

郎子別時秋月明
說道歸時春水生
曉起門前聽過馬
馬嘶都是別人行

和鐵厓竹枝詞

楊白花開風滿天花開成絮不成綿不如落向西
湖水化作浮萍個個圓

馬民立

竹枝詞

與郎別久夢相思不作西園蝴蝶飛化作春溪
鳩鳥一聲聲是勸郎歸

楊奐

讀汝南遺事

人天餘照中朝東家文

六朝江水故依然隔斷中原又百年長笑桓温無
遠略竟留王猛佐符堅

憶君美

寒鴈明朝下五湖長安西望獨躊躇無情誰似張
公子兩見西風不寄書

答客

仕晚自知為學拙家貧人道治生疎滿山薇蕨春
風老昨夜鄰翁有報書

倪瓚

清明後題

野棠花落又清明
楊柳青青人耦耕
春物闌珊成底事
半江疎雨暮潮平

偶成

紫燕低飛不動塵
黃鸝嬌小未勝春
東風綠徧門前艸
暮雨寒煙愁殺人

聞竹枝歌因效其聲二首

鈿山湖影接松江
橘葉青青柿葉黃
要寫新愁寄舊信
西風斷鴈不成行

又

江流不住楚山青
船到潯陽幾日程
不忍寄將雙淚去
門前潮落又潮生

邨居

芙蓉花下坐鳴琴
疑在湘江斑竹林
翠節霓旌烟雨裏
秋來江水不知深

劉永之

北澗夏日

酒傾蘭勺石泉香
衣剪荷盤露氣涼
誰料十年江

海興閉門疎雨對橫塘

爲何彥修題懸厓古木圖

古木蒼蒼帶女蘿峰陰斜蘸石潭波十年不到屏
風疊夜雨茅簷幽夢多

和曾郁文韻

古戍鳴笳起畫樓滿天涼月恨悠悠離人一夜思
親夢度盡巴江楚水秋

夜宴定侯宅醉中口占

麾羽堂中畫燭明將軍夜醉水西營青樓小婦新

承寵彈得涼州第一聲

顧德輝

夜坐金粟池上涼雨初過荷氣浮動秋思
倏然以荷靜納涼時平聲爲韻得涼字

翠沼新秋浴夜光畫闌芳樹發天香西風陣陣簾
纖雨荷葉荷花不奈涼

往鳳陽次虎丘

柳條折盡尙東風扞軸人家戶戶空祇有虎丘山
色好不堪又在客愁中

宋金元詩卷二十一
康 崱

西湖竹枝詞

合歡釵頭雙荔支同心結得能幾時蓮莖有刺郎
解折蓮子有心奴自知

張世昌

西湖竹枝詞

奴住西湖日日愁郎家只在淞江頭阿誰移得孤
山去長使江湖一處流

又

昨夜雨晴溪水深雞頭菱角滿湖陰勸君試剝新
蓮子的的中間有苦心

宇文子貞

西湖竹枝詞

斷霞灑灑魚尾紅清唱一聲湖山東阿奴只在繡
簾裏隔著荷花無路通

馮 翼

絕句

竹外斜陽賣酒家雨餘紅杏壓枝斜天涯無限傷

春意自向風前拾落花

甘肅立

古長信秋詞

輦路青苔雨後深
銅魚雙鑰畫沈沈
詞臣還有相如在
不得當時買賦金

吳王納涼圖

六月長洲水殿涼
酒酣揮袖倚新妝
芙蓉露冷秋雲薄
回首西風響屨廊

劉祁祁

過陳司諫墓

鸞坡烏府舊游空
三尺孤墳野寺中
猶有憂時心不死
墓門昨夜起秋風

李治

瀟湘夜雨

遠寺孤舟隨渺茫
雨聲一夜滿瀟湘
黃陵渡口風波暗
多少征人說故鄉

劉辰翁

春晴

宋金元詩元 卷二十一
江柳長天艸色齊新晴何物不芳菲無因化作千
蝴蝶西蜀東吳款款歸

又
新燕池塘綠雨肥初晴未暖日光微角巾猶帶花
梢溼纔倚闌干見絮飛

劉秉忠

有懷

雨過幽庭長綠苔東風時爲掃塵埃無人曾見春
來處門外桃花只自開

王思廉

昭君出塞圖

黃沙堆雪暗龍庭馬上琵琶掩淚聽漢室禦戎無
上策錯教紅粉怨丹青

張礎

汾亭古意圖

漢家宮闕白雲秋魏國川原過鴈愁萬古松風一
茅舍不隨華屋變山丘

關山風雨圖

山氣凝寒雨不開江濤拍岸雪成堆漁翁慣識東
風惡天際孤舟已早回

高克恭

題道院

綠陰無際壓蒼苔爲愛幽深手自栽風月早知煩
耳目不教春筍過牆來

過信州

二千里地佳山水無數海棠官道傷風送落紅攬
馬過春光更比路人忙

過京口

北來客子不如鴻幾個西飛幾個東多少登臨舊
臺觀闌干閒在夕陽中

何中

微雨

一天微雨溼芳塵紅綠相依幾處春家在海棠花
下住傷心長是未歸人

謝友人見訪

荷笠溪山采藥回荆扉石徑換秋苔花邊稚子相

宋金元詩永 卷二十一
迎說昨日有人騎馬來

陳旅

題高氏所藏畫圖

誰家林麓近谿灣
高樹扶疎出石間
落葉盡隨溪雨去
祇餘秋色滿空山

丁復

次韻元宵雨雪

銀燭春光玉雪霄
翠簾歌管思寥寥
羅浮洞裏花如織
誰立寒香背小橋

黃鎮成

谷口

谷口橋邊日未斜
先尋宿處近梅花
分明聽得吹長笛
祇隔紅欄第一家

南田夜雨

四簷春雨夜浪浪
記得吹笙近竹房
三十五年江海夢
又隨歸鴈過瀟湘

楚石

聞子規

啼來啼去一聲聲却笑離人不解聽何處故鄉歸
未得白雲空鎖亂山青

王冕

紅梅

玉妃步月影粼粼燕罷瑤池酒正酣半夜不知香
霧冷春風吹夢過江南

梅花

馬跡山前大樹梅千花萬花如雪開滿載揚州如
雪白玉簫吹過太湖來

陳益稷

巴陵雨中

鴉拂平林鴈入空黃花行李老秋風如何一夜江
南夢盡在巴陵細雨中

申屠致遠

靜中有物卽縈心物象相忘趣轉淡爲報柴桑陶
處士無絃爭似更無琴

李治

墨海棠

漢宮愁絕冷煙枝一醮劉郎兩鬢絲
甲帳夜寒銀燭短六銖雲帔獨來時

秦不花

送王奏差調福州

春水溶溶滿鑑湖蘭舟長護錦屠蘇
可憐走馬關山道榕葉陰中聽鷓鴣

絕句

繡簾鈎月夜生涼花霧陰陰入畫堂
吹徹玉簫人未寢更添新火試沉香

程一寧

元順帝
宮人

登翠鷺樓

淡月清寒透碧紗小窗和夢聽啼鴉
春風不管愁深淺夜夜開門掃落花

黃庚

春陰芍藥

點滴簷聲溼徑雲翻階紅藥帶啼痕
可憐花片都零落雨露雖多不是恩

聞角

誰送寒聲入夢中遙知人在戍樓東
明朝梅嶺花飛雪未必都因昨夜風

送春

新綠園林雨過時黃鸝無語恨春歸
楊花怕逐東風去搭住闌干不肯飛

暮春

一鳥不啼春寂寂百花都落雨濛濛
十分花鳥東風恨半在詩中半酒中

傷春

園林芳事已闌珊梅未生仁笋未竿
隄上柳綿風脫盡綠陰應在雨中寒

餅花

餅花紅淡浸寒泉容易彫零亦可憐
堪歎本根不知處却將顏色爲人妍

池荷

紅藕花多映碧欄秋風纔起易彫殘
池塘一段榮枯事却被沙鷗冷眼看

西湖行春

畫船無復沸笙歌湖水年年自碧波回首蘇公堤
上柳綠陰不及舊時多

林高士隱居

家住西湖深更深古松陰裏禮茅君白猿攀樹藤
花落點破巖前一地雲

客懷

年年春暮客天涯愁見東風颺柳花白歎身如梁
上燕營巢長傍別人家

見鴈有懷

滿眼西風憶故廬親朋音問久相疎年年江上無
情鴈只帶秋來不帶書

傷春

東皇引我太匆匆急景相催鬢已翁杜宇一聲花
結局人生消得幾春風

江邨

極目江天一望賒寒烟漠漠日西斜十分秋色無
人管半屬蘆花半蓼花

閨情效香奩作

金鴨烟銷一字香滿懷春恨強梳粧看花又怕東
風惡似隔紗窗看海棠

江邨暝色漸淒迷數點殘鴉雜鴈飛鴈宿蘆花鴉
宿樹各分一半夕陽歸

東皇張

柳花詞

滿院長條散綠陰誰家門戶碧沉沉地衣不許重
簾隔雪白花鋪一寸淡音聞人

鸚鵡士女圖

美人應自惜年華庭院沉沉銷暮霞只有舊時鸚
鵡見春衫曾似石榴花

廼賢

雪霽晚歸偶成

東風悄悄著羅衫秉燭歸時酒半酣聽得隔簾人
笑語夜來春氣似江南

月湖竹枝題四明俞及之竹嶼卷

絲絲楊柳染鴉黃桃花亂開臨水傍隔岸誰家好

宋金元詩卷二十一
樓閣燕子一雙飛過墻

又

水仙廟前秋水清
芙蓉洲上新雨晴
畫船撐著莫
近岸一夜唱歌看月明

南城席上聞箏懷張子淵

春晴隨意出南城
尊酒華前得共傾
留客強陪今日醉
聽歌不似少年情

顧佐

西湖竹枝歌

阿儂心似湖水清
願郎心似湖月明
南山雲起北
山雨雲雨朝朝何處晴

周南

西湖竹枝歌

采菱女兒新樣妝
瓜皮船小水中央
郎心只如菱
刺短妾情謾比藕絲長

沈性

西湖竹枝歌

儂住西湖日日愁
郎船只在東江頭
憑誰移得吳

山去湖水江波一處流

強西珎

式西湖竹枝歌

湖上女兒學琵琶滿頭都插鬧妝花自從彈得陽
關曲只在湖船不在家

王西行

題畫

雨後飛泉下碧灣長松修竹草堂寒無人解識高
人意溪上青山獨自看

水雲居

秋水春雲萬里空酒壺書卷一孤篷多情最是閑
鷗鷺畱得詩人作釣翁

王立中

絕句二首

梅粉凝嬌不肯添晚烟籠暝壓重簷江南可是春
寒甚十日東風不捲簾

又

春波橋頭柳似煙越王城郭在西邊我家遶屋皆

春水盡日鴛央隨釣船

儀真館中雜題九首 選二

狂花野蔓滿疎籬恨殺絲瓜結子稀獨立無言解
蛛網放他蝴蝶一雙飛

又

重圍雨久塌莓苔火鋪喧呼著棟栽唯有東風難
禁約隔牆吹過落花來

盧 摯

茅山

馬上微風散薄陰玉笙吹客過花林山中宰相本

何許日暮碧峰雞犬音

又

澗邊瑤草洞中華細水流春帶碧沙昨夜山中酒
初熟道人不暇讀南華

又

竹杪飛亭枕石泉松壇香霧散茶煙烏聲記得夜
來雨鹿夢驚回別有天

周 馳

徐州

風雨颼颼漲碧瀾秋陰漠漠失前山舟人也學襄
王夢長在朝雲暮雨間

思歸

盡日思歸歸未能題詩欲寄遠游僧吳松江上鱸
魚美何處人家不下罾

丁鶴年

竹枝詞

竹雞啼處一聲聲山雨來時郎欲行蜀天恰似離

人眼十日都無一日晴

范梈

憶得

憶得佳人白苧詞幾將天外數歸期自從落盡庭
前葉夜夜秋聲總不知

王士熙

太乙宮留題

石徑松花靜掩扉芙蓉秋早蝶雙飛主人何處采
芝去待到日斜猶未歸

毛直方

漁父辭

呼兒買米得新粳
漁邨且喜見秋成
今朝嘗新莫
草草好釣鱸魚來煮羹

又

得魚穿柳持上谿
谿邨杳杳屋稀稀
莫怪漁翁頭
易白去年買魚人又非

又

谿橋竹邊有酒沽
攜魚換酒滿胡蘆
篷頭月上不

覺醉自卷蘆葉吹鳴鳴

王懋德

寄戶部楊友直

柳繞柴扉水繞邨
黃鸝初轉已春分
東風吹散梨
花雨醉臥青山看白雲

重陽

拂却京塵理去舟
閑雲千里水悠悠
醉來欲落龍
山帽猶恐黃花笑白頭

黃子蕭

登岍書所見寄魏亨道

紫霞搖日花滿川
漁翁不歸鷗在船
白雲悠然渡水去
平野秋色連青天

題番陽方氏心遠亭

柴門垂柳曉啼鴉
露徑苔封芍藥芽
分得番陽雲一半
自攜春雨種黃花

吳師道

次韻晉卿北山紀游

一壑風煙自可留
十年湖海漫曾游
短衣射虎真

堪樂莫恨將軍老
不侯

陳思濟

發南康赴江州

繡斧重持白髮翁
路人猶說宦情濃
一帆又下潯陽去
羨殺雲間五老峰

杜仁傑

長門怨

天上神仙也別離
人間那得鎮相隨
不須貴買臨邛賦
只想君王未見時

何處失

書懷

野性長便雲水居城中有屋不知無慳時因記人
來往多少紅塵汗白鬚

燕都雜題

一夜春陰徹曉寒玉山無奈酒杯乾青娥知有愁
多少狼藉殘妝懶對看

杜本

題小景

秋雲滿地夕陽微黃葉蕭蕭鴈正飛最是江南好
天氣邨膠初熟蟹螯肥

李孝光

過王貞婦廟

山下江流幸自清山頭明月已無情此心若愧王
貞節莫向清風嶺上行

寄朱希顏

江邊鴻鴈下年年客子何由兩鬢玄七十二灘秋
月白荻花風落釣魚船

宋季任

春游

草色江城綠四圍
客中天氣近單衣
蛛絲似怕春
深去網住桃花不許飛

彭炳

懷關中故人

長安三月酒如酥
花落平隄水滿初
楊柳簇門齊
下馬九龍池上看
叉魚

小橋

落花如雪馬蹄香
幾樹黃鸝欲斷腸
行到小橋春
影碧一溝晴水浸垂楊

楚雲曲

花梢溜雨溼春泥
花底縈愁兩燕低
小院玉箏檀
柱冷楚雲凝夢上安西

陳柏

思親

天外東風吹塞沙
忽聞歸鴈落梅花
江城此日正
春雨獨倚闌干心到家

真桂芳

吳王夜宴圖

銀漏迢迢夜未晨
管絃聲裏綺羅春
飲闌方擁名娃醉
豈料稽山正臥薪

吳復

西湖竹枝歌

官河遶湖湖遶城
河水不如湖水清
不用千金酬一笑
郎恩才重妾身輕

張光弼

時事

一陣東風一陣寒
芭蕉長過石闌干
只消幾度鶯騰醉
看得春風到牡丹

吳養浩

與張伯雨湖隄暮歸

柳絲淡蕩雨霏微
隔水遙看羽蓋飛
馬上仙人強支酒
踏花何處晚來歸

鄭元祐

陶靖節像

袖裏慚無博浪槌酒醒空賦稚桑詩悲涼一曲山
陽笛滿眼山河是義熙

鄭允端

秋窗書懷

詩骨從來不受肥那堪衰病弗勝衣朝來試把羅
裙整瘦比今春又半圍

咏橘

滿林霜落洞庭西橘柚青黃照眼齊念我已無慈
母奉故人詩後不須題

水監

近水人家小結廬軒窗瀟灑勝幽居凭欄忽聽漁
榔響知有小船來賣魚

孫蕙蘭

偶成

小窗今日繡鍼閒坐對銀蟾整翠鬟凡世何曾到
天上月宮依舊似人間

曹妙清

竹枝詞

美人絕似董妖嬈家住南山第一橋不肖隨人過
湖去月明夜夜自吹簫

薛蘭英

姑蘓

館娃宮中麋鹿游西施去汎五湖舟香魂玉骨歸
何處不及真娘葬虎丘

其二

楊柳青青楊柳黃青黃變色過年光妾似柳絲易
憔悴郎如柳絮太顛狂

其三

翡翠雙飛不待呼鴛鴦並宿幾曾孤生憎寶帶橋
頭水半入吳江半太湖

其四

一縞鳳髻綠如雲八字牙梳白似銀斜倚朱門翹
首望往來多少斷腸人

其五

百尺高樓倚碧天欄干曲曲畫屏連儂家自有蘇
臺曲不去西湖唱采蓮

梅花尼

終日尋春不見春，
春芒鞋踏破嶺頭雲。
歸來笑撚梅花嗅，
春在枝頭已十分。

柯九思

偶題寄玉山

谿行處處是仙家，
谷口逢君日未斜。
隔岬雲濛相借問，
青松望極有桃花。

偶成柬匡廬山人

青鳥當時養得馴，
碧梧露下覆清晨。
紗窗忽見秋如許，
應有蛾眉憶遠人。

題李遵道畫扇

江清地僻野人家，
門外橋通石徑斜。
不信東華塵十丈，
萬山晴雪看梨花。

題唐子華畫秋江卷子

林臯霜老紅初冷，
巖畔烟虛翠欲消。
記得山陰曾訪隱，
一筇秋色度溪橋。

郊詔

至正十四年二月二十五日雨

春色三分都有幾二分已在雨聲中
墻東兩箇桃花樹恨殺朝來一番風

送黃彥美還會稽彥美嘗從故侯買里古

思以兵越後為雪仇報恩一時稱誦

君去應須到會稽故侯墓上草離離
信陵門下三千客淚灑東風更有誰

陶宗儀

宮詞題王叔明士女

大家妝著鬪時宜等候君王看月嬉
三十六宮清夜永幽情不許外人知

張天英

思陵石詩

黃帝騎龍去不還王笙鶴上北風寒
孤臣獨有心如鐵斲石鐫詩泣露盤

于立

題墨鴈

黃沙衰草雪毵毵八月天山冷不堪
昨夜朔風吹

過影盡將秋色到江南

題振轡馬

渥洼龍馬進來時奮迅長鳴不受羈詔與從官調
得好只教隨仗不教騎

題墨竹

先生舊隱鑑湖曲無數琅玕繞屋生蕭蕭六月動
秋思不是風聲即雨聲

鄭東

題范寬小雪山圖

雪壓寒林萬木垂經旬不與野人期寒驢借得如
黃犢猶怕山橋不敢騎

李元珪

題梅花士女

夢裏尋香出曉城一聲殘角暗魂驚美人不作羅
浮夢獨倚梅花看月明

題文湖州湘中推篷圖

岳王樓前湖水邊離歌驚覺鷓鴣眠生綃一幅秋
雲亂又上江南客子船

熊夢祥

題二色芙蓉便面

曾障西風十二闌
亭亭醉醒碧波寒
月邊青鳥無消息
流落人間作畫看

潘純

送金谿道士南歸

南州高士芰荷衣
賣藥都門盡不知
手種谿頭千樹杏
花開正是到家時

徐穎

上京次貢待制韻

竹宮窅窅秋風晚
芸閣沉沉晝漏稀
獨有蕃僧承詔寵
紅衣白馬退朝歸

盧昭

過吳淞江

霜林纖月墮疎烟
有客同舟思欲仙
何處吳歌聞白苧
滿江秋色坐青天

張雨

馬遠小景

柳未藏鴉雪未消春衫游子馬蹄驕去年沽酒樓
前路錯認桃花第一橋

山中

一枝石瘦如麀角六出花開似麝臍隨意莓苔一
杯酒也勝騎馬聽朝雞

新居快雨

旋掃林扉一榻橫綠陰幽底水紋平閒眠愛煞荷
溝雨玉磬池邊無此聲

杏花

杏花牆外一枝橫半面宮妝出曉晴看盡春風不
回首寶兒元自太憨生

山居

斜陽高樹挂晴空肅肅微涼雨氣中一道鷺鷥飛
不斷密香吹滿馬頭風

吳興道中

眠谿大樹不見日牧鷺小兒兼釣魚南風相送玉
湖口舟子飯時吾讀書

